

# Aachterbahn

Quelle mit Übersetzung: [www.bap.de](http://www.bap.de)

Dä Pflastermöbler mohlt dich  
Als Königin uss Krigg,  
Do luhrs dich ahn  
Un speejels dich  
Als Mona Liss op Zick.  
Ding Zuckertüüt ess jrau jewoodde,  
Welk un ärsch verblötsch,  
Ding Tränesäck, Ding jraue Hoor,  
Die maachen dich verdötsch.  
En Aachterbahn,  
Met ropp un raff,  
Vill Pech un winnisch Jlöck,  
Et ärme Dier,  
Dat krisste hück  
Als Wähßeljeld zoröck.  
„Ich jevve dir ming Schöpp ni' mieh,  
Hau aff uss mingem Sand!“ -  
Su jing et dir E' Lääve lang,  
Sons hässte nix jekannt.  
Dat, wat mer sons e' Lääve nennt,  
Jing janz hösch ahn dir lanz,  
En Botterbloom,  
Em Booch jepress,  
Nur die blevv bess hück janz.  
Do kohms nie uss Schablone russ,  
Nie uss dä Aachterbahn,  
Jetzt wöllste't jähn,  
Et klapp ni' mieh,  
Ding Flüjel sinn jetz lahm.